

途回首興踟躕夜闌秉燭聊書案文章動業俱茫然年不可復  
壯時不可復悞間關皮骨已二毛明朝猶走川西路

夔州歌

杜甫

武侯祠堂不可忘中有松柏參天長干戈滿地客愁破雲日如  
火炎天涼

古柏行

杜甫

孔明廟前有老柏柯如青銅根如石霜皮溜雨四十圍黛色參  
天二千尺君臣已與時際會樹木猶爲人愛惜雲來氣接巫峽  
長月出寒通雪山白憶昨路繞錦亭東先主武侯同闕宮崔巍  
枝幹郊原古窈窕丹青戶牖空落落盤踞雖得地冥冥孤高多

道藏輯要

忠武侯集  
詩

七

星集五  
川上川

烈風扶持自是神明力正直元因造化工大厦如傾要梁棟萬  
牛回首立山重不露文章世已驚未辭剪伐誰能送苦心豈免  
容螻蟻香葉終經宿鸞鳳志士幽人莫怨嗟古來材大難爲用

古柏

李商隱

蜀相階前柏龍蛇捧闕宮陰成外江畔老向惠陵東大樹思馮  
異甘棠憶召公葉凋湘蘆雨枝折海鵬風玉壘經綸遠金刀歷  
數終誰將出師表一爲問昭融

古柏

陸龜蒙

密葉四時同一色高枝千歲對孤峯此中疑有精靈在爲見盤  
根似卧龍